

謝林 徐太平 楊居讓 主編

陝西省圖書館藏 稀見方志叢刊



北京圖書館出版社

陝西全省圖志

謝林 徐大平 楊居讓 主編

稀見方志叢刊



北京圖書館出版社

第五冊目錄

〔雍正〕涇陽縣志八卷	一
涇陽鄉土志三卷	四九三
武功縣鄉土志一卷	五七九

簡命

涇陽縣志序

雍正戊申冬余奉

來牧涇陽於政務稍暇時即取涇陽縣志
閱之知志之作也始于邑侍御李公嗣是
相繼纂修者在明季則有邑令連公恭襄
魏公而在我

朝

則有前令王公此涇陽志之源流也夫諸
君子之作志也時之相後有越五六十
年者更有越百年者取而斷之大抵三十
季為一世天運更于上人事新于下其間
政教風俗事業文章必有迥然大異於
昔者不可以不志也今日者太王令作
志之時

皇上

國

已六十餘年承

家重熙累洽久道化成之餘恭逢我

神明天縱覺世牖民厚澤深仁淪骨浹髓

普天率土罔不從欲以治烝然丕變又值

督撫藩臬道府各憲臺布德

宣化正己率物萬民樂業百度維新當斯

時也抱殘編守舊冊目睹邛隆之盛而不
思所以表彰之其何以黼黻治平鼓吹休
明乎爰是廣爲搜羅詳加考核分門別類
仍從王志間多損益無大更張於地理也
因革異其宜於建置也添設宏其規貢賦
則較前益輕水利則視昔加溥官師備書

其人選舉詳列其途忠孝節義人物之傑
出者不令其湮沒詞賦詩歌藝文之足錄
者豈忍其踈漏計書八卷計文九萬餘言
事加于昔詞簡於前敢云自附於作者之
林哉庶幾因名課實之下不詭于正而已
矣然而余之意則更有進焉者志風俗使

人知崇樸尚儉之為美不可相率而蹈侈
靡之習志人物使人知砥節礪名之足賢
不可相率而為浮薄之行志土田使人知
耕耘不可以不勤志旱澇使人知防備不
可以不周志政績勲業之美使人知立功
必本於立德志科第文章之盛使人知求

名莫先于務實邑之士庶誠識此意而共
勉之于以答

聖天子化民成俗之盛心是則余之所厚幸也

夫

肯

雍正十年歲次壬子仲夏吉旦

涇陽縣知縣加一級軍功紀錄三次錢塘

屠楷謹識

志序

涇陽之有志也自先達侍御李
公始厥後踵事增脩者則多邑
令石坡傅公而萬曆初年邑人
魏恭襄公復釐訂之其卷凡六
為類凡九傳記詳確詞古雅

實堪與康德涵先生武功縣志
劉豫吾先生鄆縣志稱伯仲焉
越九十餘年復得邑令書年王
公起而脩之本恭襄之舊而併
九乃八取材既富咨訪亦勤而
觀者猶不無失考踈漏之嘆然

其加惠涇土留心文獻其意寔
有足多者焉康成至今計六十
餘載

國家重熙累洽政治日新人文蔚
起涇地雖小其可以垂之紀載
昭示來茲者不可勝數則志之

皇上

自茲而新也不孔急矣我

特簡文學之臣於

禁

庭開館纂脩八旗志書旋

命布

告中外臣工重脩各省通志適

值邑侯屠木菴先生以西浙

盛

名賢出宰數邑鳴琴之暇取舊
志披閱曰縣志者郡志之牝糠
也躬逢
典敢不從事茲役哉於是設木
櫃於庭前其窮鄉僻壤之奇節
義行悉令詳具顛末以納於其

中俾胥吏不得肆其勒索而潛
德乃能光其簡端若公之用心
可謂極善矣至其召集羣賢共
襄厥事之時公復命之曰慎哉
勿濫惧真贋淆也勿靡惧博而
鮮當也勿徇勿刻惧私也僉曰